

何大復詩集卷十六

信陽何景明仲默撰

五言律詩八十四首

送宗魯使安南

日月天門迴星辰海國遙龍函隨勅命使節下青霄荒服周王域南溟漢將標壯游真萬里無外見今朝

送顧侍御還南京

南國鳳凰士北臺驄馬臣一鳴望霄漢千里出風塵折柳此爲別看花俱愴神飄零四海契慙愧十年人

九日夜過劉以正別士奇

重陽愁獨酌深夜喜相過萬里惟秦客二杯亦楚歌霜

大復集卷十六

筵沈海月風鴈起滹河醉別黃花去能念白玉珂

送顧華玉謫全州

白日春城暮孤雲天際陰君行萬里外予意一何深夏擬浮湘水秋應到桂林衡陽去不遠莫使鴈書沈

送楊太常歸省三首

扈聖元公在寧親季子歸鳳凰寵詔駟馬動光輝回馭心先切題橋志不違都人看祖帳共歎此行稀錦里趨庭日聲華冠蜀都弟兄今二妙父子宋三蘇禮樂風雲地旂常日月圖今皇念大祀未可滯江蘆聞道西南寇猶多虎豹羣過秦應有論諭蜀可無文未返巴山使空懸棧道軍煩將父老意歸報聖明君

送寇定州

五月燕京寺高雲動客旌南風開菡萏君到定州城霄
漢仙鳧去風塵老驥行年來傾蓋意深感白頭情

送彭總制之西川二首

江漢兵戈阻鄖陽節制移遙憐蜀父老再覩漢旌旗躍
馬終難據窮猿本易追威明聊一借勳業況當時
蜀道青天入岷山赤日西九重連授鉞萬里動征鼙開
府松杉靜懸軍玉纛低知公安蜀計諸葛大名齊

送呂內翰上陵

弓劍登天壽衣冠望國門碧山秋殿閣白露漢陵園雨
落千官淚雲隨六帝魂詞臣松柏賦音繞鳳凰原

大復集卷十六

二

送徐內翰上陵

君向六陵間中元月正圓攀松立暮日藉草坐秋天殿
閣西山抱關門北斗懸先皇舊侍從獨到秦陵前

送曹遜卿還汝寧

三年觀國士此日暫還家去指清淮月行攀上蔡花燕
歌送楚客邊鴈起城笳卻喜干戈後鄉園見歲華

送李體仁按雲南

漢使西南域天王節制名九霄看鳳下萬里避驄行風
偃蠻夷靜霜驅瘴癘清壯游仍攬轡從此慰平生

送呂揮使

駟馬赤電奔少年風義存名登大司馬身覩漢皇尊北

海連龍磧西山出鴈門臨行贈寶劍持此答君恩

送郭刑部守宣波

漢庭黃綬吏西省白雲司豈謂爲郎久猶言出守遲雲霄懸賜履江海入褰帷古越今名郡風流富在茲

送石秀才下第還趙州

念汝不得意行歌燕市中鄉書催朔鴈旅食寄霜楓荆玉已三獻冀羣當一空驅車薊門外未可歎途窮

田子宅宴別

永夜愴離析同心耽宴游世情俱慷慨鄉意轉綢繆竹戶霜澄裊風城海角流豫章天更遠燕北有高樓

寺中送段子還蒲州

大復集卷十六

三

段子兩龍劍西行歌莫催探花天上返觀日海邊同一別雲房樹相思雪夜杯禹門讀書處終夕聽風雷

送范以載之南京

不見君山面看君意獨哀曾陪竹林醉今識仲容才駿馬登臺去蒼生攬轡來春江暮雲樹愁望北帆開

送欽師歸西山

近向雲間至遙從花下還赤崖春到寺白塔晝開關風雨如西塞煙霞似北山到來應待我祇樹幾回攀

送忽生還關中次韻

望爾西行路春風萬柳條轉憐黃鳥近去恨白駒遙彈冠歌今日張燈宴往宵秦川待歸客花色醉中饒

汝到河西日常令消息聞風塵暫把袂霄漢忽離羣帆
轉天邊樹樓停海上雲飄飄岐路側何地復逢君

爾道東行日斯文北學傳鳳凰千仞上驥裏萬金前岳
峙高無極滄流渺百川古來齊魯地風教有遺編

東郡瘡痍日蒼生屬此行二毛猶未見五馬亦爲榮月
對河關上秋從海岳生向來嵩少約西望各懸情

送士姪歸雀巢縣

見汝一作喜見南歸日令予一作應憐北倚樓彩衣花縣酒白鴈

大復集卷十六

四

楚江洲閉戶自茲始佩聿須古求行藏愧汝叔日憶竹

林游

送郭外舅之江陰

郭舅佐名邑出門憐女甥春風到江縣花下早鳴鶯聽
訟琴堂靜哦詩竹檻成臨行贈玉珮空有涓陽情

送劉西曹決獄畿內

日下秋官出天邊漢使分令行乘肅殺風覃藉仁聞香
署含清旭仙闈上白雲鑪薰亦暫別遙想晝氤氳

送胡別駕出關

天上黃華戍雲邊鐵壁城風沙行塞日金鼓出關情轉
餉畱蕭相揮鞭讓祖生軍儲西北計從此樹勳名

送毛汝厲按湖南

臘送燕門節春迎楚水艘揚帆泛廣漢擊楫渡長江地
絡蠻荆域天躔翼軫邦此行君不忝才氣本無雙

送王夢弼之高郵

南竄隨春色東行識壯顏閭猶涕淚道路復追攀風
節雲霄上霜威海岱間聖朝憐萬里不久賜君還

送望之赴汶上二首

相送一如昔出關行復雷初看萬里至忽是五年流老
駁從東路春鴻向北州青門數行柳煙色暮含愁
春郊餘雪日河甸起風沙送折燕中柳行逢汶上花賓
朋半海內弟妹各天涯駐馬臨岐處飄飄獨望家

送客二首

大復集卷十六

五

方岳從來重君才世豈多中原雖寇盜晉國有山河勸
俗銷金甲求賢訪碧蘿政平人自理不用事煩苛
海內蒼生困看君紫綬新天官元貴客岳伯是詞人雲
極行山目花傷冀北神平生膠漆意翻恐愧雷陳

送葛時秀任東明

東明花滿縣令宰卽神仙宓子今爲政河陽復壯年竿
旗開雨雪鳧向雲天何地傳消息相聞在日邊

陸子樓餞祖邦

渺渺楓江闊高樓望轉傷同來送歸客予亦念還鄉塞
接寒天迴城含落景長重逢是何日尺素莫相忘

白將軍征南兼壽母

將軍天上出萬里擁舟航玉帳駐南國金尊開北堂海
雲添寵色江日借恩光報主身何壯猶牽寸草腸

送錢推府之閩

越水到閩鄉風帆萬里航雲間開瘴癘山雨暗枕榔器
本中丞後才仍佐郡郎燕京把劍別此去有輝光

送施御史便道壽母次韻

繡衣眞畫錦彩服更花辰海鶴稱觴數江魚入饌新近
歡追里宴遙祝借朝紳堂下忘憂草今春倍往春

贈王舉人

王子萬人英詩名少日成驪珠眠自抱天馬傍誰行旅

大復集卷十六

六

食青楓改秋吟素髮生過逢見汝意潦倒愧吾情

贈管汝濟

冠裳同海內杯酒對寒宵舊識三秦客今看萬仞標芙
蓉生露掌駸蹶在煙霄願聽雲門奏春風入鳳簫

贈權僧過昌化寺見訪次韻

問爾湖邊寺微鐘翠巘西千巖一徑轉落日亂藤迷數
見談天竺相從過虎溪山中送客罷獨禮白雲低

贈呂道夫轉右給事

右掖言司舊重題御陛名碧霄通漢苑丹地接秋城報
主蹇龍袞驚人想鳳鳴懷中一諫草何日爲蒼生

贈鄭佐

老鄭空同客長歌北海尊十年舊賓友誰到李邕門天
地頻回首江湖一旅魂關城獨歸鴈風色傷黃昏

君采遷居

宅卜宮牆近堂開燕雀馴遷居憐客次過覓喜吾鄰
竹元因主看花更屬春知懸孺子榻虛薄愧高人

贈時亮

象郡開梅嶺羅池俯柳州山川盤秀地文物迥風流
丹就還珠洞書藏駕鶴樓風塵望爾去霄漢獨相求

賀汝濟生子

夜夜生蘭夢年年種玉心充閭看氣色入戶試嘯音
明月含珠浦高枝發桂林北堂書報日何啻萬黃金

大復集卷十六

七

贈董侍御

何處采芳蘋維舟湘水濱草間露彩薄沙上月華新
杳侵瀕路依依向楚人汀花不寄遠惆悵獨逢春

贈劉東之憲副

浮生能幾見孰謂別離輕遠道惟長劍寒宵共短檠
旌旗臨漢水雨雪度秦城鄉井衣冠少分攜益愴情

贈呂子遷左給事中

月明鳩鵲觀日麗鳳凰城自昔飛騰入今看草奏行
銜沙填海志鍊石補天情無限乾坤事非因萬古名

過寺中飲贈張元德侍御

竹林清宴集秋夜劇呼盧卽席花偏豔開尊月下孤君

爲淮海俊我乃沼陽徒腰下金龜在明朝付酒壚

元夜寺中集

火樹連龍苑煙花繞鷺峯詞人高宴會令節喜過逢閣
度銀河上窗函寶月重九衢風起夜處處有歌鐘

夜集贈呂仲木

石室抽書舊金門待詔來官勳三載見客抱此宵開劉
向本經術馬遷眞史才斯文久寥落望子早登臺

贈王子

王子萬夫特英風千仞餘未投湘水賦曾上漢庭書日
月方前席江湖漫上居城南相寬處花暮獨回車

胡戶部父母同受封命

大復集卷十六

八

紫諾開天府瑤函照楚鄉白頭偕二老綵服有諸郎草
動春江色花攜漢署香夜來望南斗萬里益光茫

贈祖邦

白下通緘少燕都見面遲客心悲歲晚歸路及春時姓
入山公啟入傳水部詩同年吾不及相望赴前期

吳逸士

逸士古豪士劍歌出燕關不博邯鄲市常游五陵間賓
客重然諾公卿多往還千金何足貴義氣高如山

秋夕懷曹毅之

百卉飄零盡孤鴻何處歸高樓橫暮笛萬戶擣寒衣南
國江湖遠佳人尺素稀獨愁誰與晤明月鑒重幃

懷望之姊夫

自爾出門去天時十月催如何千里外不見一書來遠
嶠寒雲起高城旅鴈哀鄉園莫久滯星駕及春回

懷姊

逐子東歸日輶軒惜路岐那堪骨肉淚灑向別離時旅
病秋來減鄉書歲暮遲庭闈欣見汝千里重予思

懷三兄

軺車北上日相送及燕州爲客全經夏還家已過秋鶴
鴿寒更急鴻鴈晚相求況是諸兄隔天涯重倚樓

子純宅夜集懷望之

花月同游客江湖萬里遙燕聞如我輩杯酒又今宵轉

大復集卷十六

九

覺花愁思翻教月寂寥無論去與住俱是斷蓬飄

懷劉園諸友

亭榭劉園麗攜游汝輩頻竹高停翠袖花密隱朱唇橋
是經行地城餘戰鬪塵京華又二載腸斷楚鄉春

過子容有懷獻吉

故友何人在常時獨爾游停杯思北海躍馬爲南州雨
助鳴蛩夕風驚過鴈秋有懷俱不減攜手重遲留

懷李生園柬季升

李生北園內亭榭近如何草徑猶紅藥柴扉自碧蘿江
湖歸路少天地戰場多空憶張夫子清尊夜夜過

雪簡川甫

一雪數花集空庭寒起遲微風罷弱舞初日向餘姿自愧朱紘瑟誰看玉樹枝仙曹有高倡不送鳳凰池

寄任司訓

不見任公子飄飄旅客魂苦吟惟白髮生計有清尊散吏真兼隱荒城不異村人間好事者誰到廣文門

至日寄望之汶上

至日懷親友題書在帝鄉風雲餘歲色梅柳復年芳白髮行藏裏清尊涕淚菊思君魯城北汶水日湯湯

簡以道

久雨文園客風流漢長卿苦吟生白髮消渴望金莖雪盛黃精草雲深赤石英早尋方外士服食使身輕

大復集卷十六

十

寄空同子卜居襄陽

爾定襄陽宅雲山好傷誰草憐一作鄰王粲井花醉習家池畱滯悲江漢驅馳感歲時扁舟空悵望未有鹿門期

雪簡鄭客

燕雪未成花蕭蕭覆淺沙誤聽梁苑竹擬放楚江槎集霰含風色流雲轉日華城中百萬戶歌舞醉誰家

寄錢水部

多情錢水部別後有哀吟萬里秋風興孤舟日暮心白沙官舍迥滄海故園深悵望佳期隔殷勤數寄音

寄王文熙

之子南歸日江湖淚沲然涼風一夕至秋月幾回圓鴻

鴈求巢急鷓鴣各自遷三年望天末徒有寸心懸

寄顧華玉

詞客金陵去那期歲屢過相思秋水隔悵望暮雲多清
廟朱絃瑟華堂白紵歌徽音久寂寞高調近如何

簡都玄敬

故友日零落都君情不怠草玄常避客頭白近爲郎宦
況思江上鄉心望海濱聞君話山水吾亦慕南方

寄徐太守

塞鴈去復盡燕臺愁望春十年同病客萬里各風塵南
國已碧草清江空白蘋秋來有詞賦莫使怨騷人

閣內簡張員外

大復集卷十六

十一

我在金門裏聞君候瑣闈去天俱咫尺瞻日共光輝柳
下宮官出花邊閣吏稀晚來沙苑外騎馬欲同歸

寄易內翰

日日望長沙憶君城柳斜風塵愁燕雀江海歎龍蛇公
子天邊草夫人廟口花故鄉杯酒罷遙亦念京華

寺中齋居簡崔內翰張侍御

徑雪草生細林寒鶯到稀傷春懷二子齋沐掩禪扉石
室棲金馬天花落繡衣分明共朝市鷓鴣不同飛

喜望之量移兼寄

嶺海投荒日燕臺望遠時三年一消息萬里轉相思歸
鴈先知暖驚鳥尙繞枝湘江催發棹預報北來期

立秋日寄粹夫

一葉悲天地秋風淚萬行江河無日夜邊塞有煙霜鴈
鵠思高起龍蛇願久藏蓬瀛何處涉頭白恨無梁

寄家書

一返滇中使重嗟故里違老親猶在念薄祿未能歸雨
雪三冬暗家書累月稀淚緘鐙下發回鴈隔雲飛

寄三子詩

三子者王康呂三子也三子俱產之關中並見
而同隱西望興懷爲詩寄之

鄠杜終南曲邠岐渭北郵水多龍臥處山有鳳來時星
宿中宵動風雲萬里移滄江問靈劍離合少人知

大復集卷十六

何大復詩集卷十六終

何大復詩集卷十七

益西天賦金鑿明... 信陽何景明仲默撰

五言律詩八十五首

駕出

九重玄武仗萬歲羽林軍朝帝乘輿出行天警蹕聞螭
頭蟠曉日雉尾拂春雲佇望南郊氣遙連北斗文

大祀

金榜星辰幕瑤函海嶽編受禧同漢室登禪異秦年日
抱龍旂轉天流羽蓋旋揚雄老倍從白首賦甘泉

駕幸南海子

鏡音發桂時春狩踐蘭區水盡緹城合山回帳殿孤公

大復集卷十七

卿隨八駿虎旅備三驅如聞後車載儻遇渭川夫

駕入

地轉瑤壇迴天回翠輦高入城傳鼓吹開殿引旌旄珮
委春池草盤行上苑桃九天鐙燭裏齊拜袞龍袍

慶成宴

漢主汾游日周王鎬宴時禮成天地協樂奏鳳凰儀上
殿承天語登筵拜帝釐載歌天保頌還稱既醉詩

皇陵

陵闕皇靈闕山河王氣遙萬年龍虎抱每夜鬼神朝玉
盃雷天地金鐙照寂寥如看翠華度縹緲在青霄

內直

閣院雨晴初微風動綺疏鳳池通紫極雲闕過一作清
虛袞職聞封事軍情見捷書非才叨侍從徒望五雲車

入直

賦豈文園客名慚騎省郎間鷄趨建禮駐馬望宮牆風
晝楊花色煙春蕙草香露盤天漢上消渴意何長

晚出左掖

洞門餘積雪御苑覆高霞吏散層霄上城行五鳳斜青
回初霽柳紅動峭寒花立馬清沙外空一作宮林集暮鴉

奉和嚴太史謁秦陵三首

敬皇十八載四海一何安鼎成棄萬國弓墮哭千官白
日園陵闕秋雲松柏寒龍遊萬歲後寂寞葬衣冠

大復集卷十七

世切如雲望天摧格帝功彌留念諸將願命託三公玉
几星辰上玄宮霜露中松楸慟哭地白日起悲風
夜壑霜鐘杳秋岑玉殿局總帷風淅淅銀海月冥冥象
衛朝羣帝龍藏扈百靈臨門日呼召天語舊臣聆

酬郭內翰上陵還詩

帝遣朝陵日暫辭供奉班楸梧開玉殿雲霧宿春山晚
向松間散晴從花下還知君有佳句傳和五陵間

答潘都諫郊壇見遺之作

羽衛天行路龍帷御宿亭璧壇流霽月銀闕動春星諫
獵心空赤逢時鬢尚青極知陪從地瞻切五雲停

殿試宿禮部張子瀉郎中署奉和馬張二光祿

喬直閣諸公

東殿春朝晚南宮夜宿深鎖闈猶月色開閣更松陰地
迴神仙接天高象緯臨諸君清廟作三歎有餘音

得顧華玉全州書兼知望之消息

地北憐爲別天南眞可哀同時萬里去隔歲一書來水
闊蛟龍出山深杜若開相思有詞賦愁絕並登臺

得朝信惟學書

稍喜豺狼息仍悲鴻鴈音故人雙尺素遙比萬黃金水
上春花樹城邊秋竹林天涯暮風雨腸斷北山吟

得鄭繼之書

鄭生湖海去高興渺難降累月音書數清秋涕淚雙天

大復集卷十七

三

邊登越嶠雪裏渡吳江萬水千山暮何時到爾邦

得王子衡顛榆書

萬里一書劄逾年傳帝都竄身天地遠垂淚海雲孤柳
送燕臺駸花畱漢殿鳧赤霄終道路白髮且江湖

次韻張郎中九日無菊

九日杯空綠秋城菊未花雨叢寒慘澹風樹晚鼓斜獨
客悲漂梗佳人怨折麻何時開燠爛沽酒到君家

除夕和以道懷弟之作

汝弟猶吾弟君家更幾家情知思棣萼愁與對椒花酒
罷看參遠鐙寒望斗斜相憐謝池草明日又春華

戴生在吾語感秋思歸詩以慰畱之二首

到日中元節淹留歲漸微而翁在異縣知汝苦思歸旅
館空彈鋏秋風未授衣敝牀還可宿暫住莫相違

二十年方妙昂藏見爾才青雲滿霄漢黃鸝尚徘徊寶
劍休輕試家書莫屢開百年深有望吾道豈塵埃

荅汝忠

俱向滄江起同懷魏闕情乾坤尚戎馬我輩復簪纓戢
羽棲雲閣聯翩入鳳城誰知薦賢內今日忝齊名

夜過川甫

日午詩相約更深馬獨來慚非問奇客知是草玄才月
析楓烏起霜鐙竹戶開因思高李輩詞賦擅梁臺

九月二十五日會曹汝學侍御於麓堂夜歸遂

大復集卷十七

四

過侍御宅

東閣留樽罷西臺夜過時題詩倚驄馬換酒脫金龜菊
院霜天靜楓城海月遲向來秋寺約還許赴佳期

冬夜過飲戴時亮進士

琴酒揚雲宅談玄靜夜真庭無旋馬地室有聚螢人霜
霧生陰井風鐙動夕鄰喧喧萬車馬日出自紅塵

徐子容見過

三月三十日燕京春興悽相過話遠別此去憶深棲江
漢今舟楫乾坤尚鼓鼙風塵歸未得送汝萬行颺

與王宗哲過訪劉德徵兼有所懷

天街並馬過霽雨碧氛氳王子真乘興與劉郎雅好文燭

筵揮玉軫風戶裊鑪薰忽憶橫簫客遙遙隔彩雲

端陽日過子容登瞻辰樓

五日訪南州瞻辰上北樓旌旗夾水殿簫鼓送龍舟滄海猶多難佳辰但百憂浮雲暮南適遙向楚江頭

九日顯靈宮宴集

九日無風雨賓朋更遠來菊花催醕酌仙侶得追陪眺迥山河出登高殿閣開攜游有諸妙詞賦豈吾才

登紫極閣

層閣重重麗丹梯裊裊孤風雲上紫極氣色覽皇都苑靜芙蓉落城喧鴈鶩呼蒼然見淮楚鄉思滿平蕪

侯郎中劉主事見過對菊

大復集卷十七

五

菊樹開初爛軒窗坐晚晴客非先有約花亦太多情霜豔娟娟靜風香細細生天涯一杯酒今夕對寒城

過君采次韻二首

海內風塵隔天邊江漢流昔牽春草夢今並玉珂游神駿元千里仙人自十洲慚隨燕雀輩白髮世間愁君自來此地謂我頗同流復往江湖去寧忘霄漢游龍蛇蟠海曲鴻鴈向河洲從此風波隔長安日暮愁

世其宅夜集同君采作限難字

終夕具盤飧明鐙坐不寒獨憐竹葉盞仍對菊花團素月縈窗細高雲俯苑殘美人江國去惆悵采芳難

秋夕同蕭執夫舍姪士欽

把燭開塵榻幽尋款夜扉寒城颯欲暮風葉坐來稀野
興林閒竹鄉心楚上薇蕭條共杯酒潦倒愧朝衣

除夕劉戶部宅

雪省開雲幔西堂對雪峯一年惟此會萬里幾相逢守
歲親鐙火朝天候鼓鏞江湖有岐路漂轉歎萍蹤

晚過以行

伯兄難更見愛弟復佳名往日題詩客黃昏駐馬情春
星度北牖暮一作舊雨到西城腸斷池塘草東風亦自生

顧九和內翰約看花城南寺病目不赴

不赴城南約遙傳寺裏篇看花吾未老出郭偶無緣簇
馬低春日嘯鶯隔彩煙風沙開病眼愁向豔陽天

大復集卷十七

六

游郭氏山亭

舊日追游地新年此度過庭春歸雪篠洞古發煙蘿遲
日登臨倦名園感慨多風花騎馬去須放酒顏酡

九月四日劉子見過二首

入閣開塵榻留樽對苑牆杪秋餘暑溼高樹獨風霜歲
徧鄉心甚天增病骨涼自憐情興減不比向來狂

汝病稀相見高詩久不聞側思金石奏喜挹蕙蘭芬細
菊妍霜畫繁砧亂朔雲蕭蕭秋日興對爾憶離羣

九月五日與張劉崔三子約九日游法藏寺塔

劉嘗約游西山竟寒盟故云

未省重陽菊誰邀我輩看城南有塔寺共擬集衣冠雲

起登臺興風追落帽懼此盟今夕定莫似碧山寒

登塔二首

古塔層城畔秋毫萬里看登高攜賦客落日眺長安
地懸相抱江山鬱自盤誰能絕頂上不避北風寒
塔廊徐暗轉不覺此身高月牖通天漢風檐散海濤
餘秋色遠登罷客心豪去鴈休回首冥冥一羽毛

訪客鑑公房

病客依棲地石房鐘磬聲清齋念肉食獨宿見禪心
日斜寒晝窗雲下夕陰吾居亦鄰並日爲過西林
齋宿大興隆寺

大復集卷十七

七

疊雪霏雲磴陰霞絢石房沈冥通別理宴息對焚香
暖色含初篠遲煙散遠楊齋心臨暮景屬意向春陽

春日劉薛二子過

林花寒不折城鴈日喧呼壯覺風情減春增旅興孤
經過畱翰墨潦倒念江湖未似高陽侶垂鞭向酒壚
再過玄明宮

九日登仁壽寺後山

朔海風雲變玄宮日月移登臨偏九日搖落倍前時
翠竹寒虛震荒藤蔓曲池重看石櫺地徒有雍門悲
石閣凌香岫憑高煙霧開人疑送酒客地卽望鄉臺
鴈度桑乾去雲從碣石來魚龍瀚海北萬古一悲哀

十月望夜劉薛二子過對月

院寒冬月白城夜海雲收上客攀蘭省清光近鳳樓關
山一北望河漢迥西流未見乘槎使迢迢上斗牛
九日登慈恩寺閣三首

不到慈恩久今來九日期天寒鴻鴈少秋晚菊花遲搖
落悲風雨登臨感歲時牛山何處是異代獨興思
地幽人迹少僧至掃莓苔閣迴湖光入林昏雨色來登
臺憐作客入賦恥非才何事臨佳節秋懷未肯開
莫引憑高目滄茫海色遙秋空波瀾瀾寒日樹蕭蕭關
塞俱搖落音書久寂寥天涯有兄弟猶滯楚江燒

自滇蜀歸李戶部馬舍人見訪

官舍掃莓苔故人尊始開相逢頻問訊乍見各徘徊瘴
癘一身在風塵萬里來欲詢滇蜀勝慚愧子長才

大復集卷十七

八

雨中過李真人方丈二首

勝地豈常得幽盟難重尋清晨驅馬出聊此息塵心鳴
磬秋堂溼然鐙古殿深吹簫愛仙侶縹緲隔珠林
層臺暮雲外寂寂羽人居積雨階除靜含風殿閣虛洞
中畱白日窗下寫丹書卽此觀幽逸能令世慮疏

早入宣武門

藹藹名都會鷓鴣共接翎金貂萬戶客鐵騎五陵豪夾
道紅塵滿千門白日高寂寥揚子宅隨分守蓬蒿

登高望遠海萬里一長吟島嶼迎寒日波濤帶夕

一作積

陰豈無乘筏歎亦有釣鼇心去去從吾好三山煙霧深

中秋夜集呂給事宅

銀漢高秋露巖城月色陰美人今夜酒游子故鄉心烏
鵲江邊去蛟龍海上吟漢宮樓殿回莫使暮寒侵

與韓汝慶行歸長安望月

中秋高宴會客散向長安皓月千門裏青天並馬看明
添花蕊亂陰益柳條繁悵望高雲上何由振羽翰

晚過周進士言別聞琴

朱絃久寂寞此夜拭瑤琴坐對燕京酒同悲楚客吟城
高下木葉樓迴上秋參別後清江夜遙思絕代音
與孫世其過張秀才

長夏稀朝謁相邀此地同占晴行苑外避暑出城中翠

大復集卷十七

九

篠含風靜蒼波映日空因思共童冠歸詠舞雩風

與孫戴張三子納涼

薄暮攜三子追涼步短宵水邊低出月樓上忽橫簫久
露花沾溼微風竹動搖醉歌聊永夕坐待紫宸朝

避暑存上人方丈

燕地炎蒸月西林大道旁上方畱避暑長日坐焚香細
竹軒窗靜高雲殿閣涼何時更乘月過宿贊公房

出游功德寺

昔聞功德寺今出帝城西晚日丹梯近秋天翠巘齊荷
衰猶一作斜映水樹古曲盤隄十里經行地清沙送馬蹏

宿淇公方丈

落日罷登臨禪房秋坐深不妨畱枕簟聊得謝冠簪樓閣湖天影松蘿洞月陰明朝又朝市回憶碧山岑

天壇沈道士觀中

夏日天壇上登臨俯九霄川原一以眺樓觀鬱岩堯洞口逢丹侶花間醉碧簫清沙日色盡翻恨馬蹏遙

張子純宅對月

長安今夜月畱客此堂開影落清樽裏光從玉殿來苑花添悵望鄰笛助悲哀幸接仙郎飲高歌愧爾才

草寒病居田給事中夜過
臥疾春天暮相尋客夜幽劇談翻愈病沈醉忽忘憂西月低臨牖明星遠動樓看君上馬去猶使與情畱

大復集卷十七

十

春雪諸翰林見過二首

正月燕京雪飛花落滿筵輝輝映旭日脈脈向春天苑草寒猶細宮雲晚更鮮中原有戎馬何日凱歌旋
冉冉城煙裊飄飄苑雪過人稀春夜靜花劇暮寒多置酒邀金馬開軒對玉珂陽春有高調莫惜爲予歌

酬盧侍御見訪有作用韻

柱史事沈冥行驄到我亭數章天北極隻字斗南星坐久鶯初喚吟餘草更青朱絃山水調淒切爲君停

同張仲脩再過劉子

劉家好兄弟鄰近苑西樓數有花辰會兼成月夜游畱徐還下榻訪戴不回舟沉接張公子詩輕萬戶侯

過田郎

晚就田郎飲高歌坐此庭炎天忽雲雨西日更雷霆席
傍檐花溼窗臨苑樹青相過戀朋好常得慰飄零

同崔太史張侍御飲周都闔亭子

公主山亭狂元戎小隊回碧沙霑細雨白日映輕雷已
並花邊駿難孤竹下杯良宵可乘興歸騎一作蓮漏莫頻催

郭氏園亭

漢苑清霄近名園不出城曲穿陰洞入危傍峭巖行賓
客冠簪盛公侯甲第榮日斜登覽罷悵望有餘情

過孫世其時有警報

一自來京邑常時過爾吟飄零歎往昔畱滯到于今各

大復集卷十七

十二

有江鄉思兼之邊塞心明星罷擊柝悵望北城陰

過遠夫

堂上炎天迴明鏡夕坐深相逢濁酒醉獨悵白頭吟苑
柳通西內邊烽起北岑此時對遷客何意復冠簪

出閣過勤甫省中

竹垣通左掖花省接仙郎並坐停杯晚高談卷幔涼水
陰沈紺殿山影落彫牆愧我同朝客傳君寡和章

立秋日呂景二內翰呂田二黃門見訪

高城下一葉亭樹已蕭疏河漢生秋早星辰動夜虛玉
珂停驥裏金硯落蟾蜍俱是文章伯相看我不如

再游郭氏園亭二首

仲夏一到此主人開水亭園林再駐馬臺榭已流螢細
竹搖風牖孤雲度石屏停杯更暮雨何限北崖青
日暮北亭上悵然秋望深碧山聊拄杖滄海未抽簪苑
上開雲閣窗中疊霧岑長安足塵土常過此登臨

過顯靈宮

不到玄宮久桃源更此行行知瑤水近坐望赤霄平洞
草秋先長壇雲晝自生雙雙玉簫發風引度仙城

大復集卷十七

十一

草煇夫身雲雲晝自主雙雙玉簫發風引度仙城
不怪玄宮入淋瀝更出谷計庶海來復坐望赤霄平

過顯靈宮

上開雲閣窗中疊霧岑長安足塵土常過此登臨

日暮北亭上悵然秋望深碧山聊拄杖滄海未抽簪

苑上開雲閣窗中疊霧岑長安足塵土常過此登臨

何大復詩集卷十七終

亭園林再錦魚臺榭已流螢

何大復詩集卷十八

信陽何景明仲默撰

五言律詩八十一首

十四夜對月集陶良伯

陶令堂中月深更酒爲攜金波流未滿白露迴含淒鴻
鴈秋江北芙蓉漢苑西一杯同悵望萬里各羈栖

十六夜月集侯汝立

秋月尙不減客堂清宴闌把杯看玉兔駐馬簇金鞍漸
覺歲時暮沉驚關塞寒霜筋中夜發葉落滿長安

夜集勤甫宅時秉衡至

同鄉耽宴集浮歲感飄零况復故人至相邀明月亭琴

大復集卷十八

清繁玉露坐久密秋星從此冀佳貺無忘瑤草青

同崔子鍾過董文玉宅

崔生亭伯興董子仲舒才不爲相鄰近那能數往來霜
天雷把菊風檻促行杯尙憶秋參落酣歌送我回

十月四日過良伯

古堂秋色暮霜晝靜煙沙鄰並常杯酒寒天尙菊花流
雲行苑細返景抱檐斜隻鴈南翻去飄飄各念家

夜集世其次戴子韻

醴酒燕京夕朱絃楚客心情親不覺醉慷慨豈忘吟哀
柝霜天迴簾篁雪館深江湖舊行地何日更南尋

正月四日同子純過劉汝忠次韻二首

並轡來仙第深杯好共揮遠天初夜色新月更春輝
鐙夕看相近花時會莫稀雲霄望羽翼真喜接高飛
邂逅憐新歲朱絃爲客揮風春歸柳色月夕助鐙輝
歌酒三人共乾坤一笑稀看君俱妙思操翰忽如飛

願以行諸客見訪次韻

海內朋簪蓋天涯意氣親雪峰斜暮景霜草勁寒春
客席畱尊久仙曹染翰新諸君千里駿霄漢迴風神

人日齋居過王德徵

齋居春晝冥獨過子雲亭雨雪逢人日江湖問客星
望來花漸發愁劇柳還青更話東歸棹遙遙海思停

立春管汝濟見過次韻

大復集卷十八

二

勝日高人過蓬門氣色新青榆初改歲白葡共嘗春
鼓吹闐京邑樓臺接漢津攀畱慨時序晤語覺情親

寺中張子言自浙來話

石閣晴雲抱花宮夕漏催我游天姥夢爾向海門回
日月雙龍劔乾坤一酒杯山中問百草早晚折春雷

夜過劉以道兄弟

風鐙懸岸館竹色靜春沙山水停湘瑟池塘到謝家
雪融花尙細煙裊柳初斜對酌情親夜能無戀物華

過城南寺

出城春漸近到寺日猶高野望增樓閣沙行散竹桃
吏情雙白鳥世故一青袍苦被微名繫乾坤無地逃

過以道喜其弟以正至限韻得衣字

美人今夕酒行子暮春衣常念賢昆弟經年望爾歸
喜占烏鵲課愁慰鶴鴿飛謔浪相逢地銀缸照益輝

出游城南寺

樓閣倚清沙春尋

一作深

景未斜聽鶯到竹院並馬入桃

花不倦登山屐猶遲泛海槎芳樽爛熳倒吾醉亦忘家

王壽夫過分韻得吾字

自別君昆弟同游獨愧吾十年常道路萬里各江湖
乍見形容異相思夢寐俱向來飛動意執手五雲衢

清明日同諸友游城南寺

風晝人游少沙郊馬並行穿花尋野寺冒雨出春城骨

大復集卷十八

三

肉新傷淚實朋遠至情天邊有芳草故向客愁生

子純邀過東卿

朝回聞折簡騎馬過西鄰把酒對今雨看花逢故人雲
陰初薄暮鶯嚙尙餘春向日江湖夢飄零見爾頻

亮公房雨後

夕宿西林院蕭蕭竹樹分風雷回驟雨星月度微雲
姿色空中滅名香靜處聞早知禪可託未忍去人羣

城東泛舟

水郭移尊宴沙原列騎停岸開平放舸林轉曲通亭雨
意雲垂白風情柳送青衣冠夕臨泛東望極滄溟

懷麓堂集將游東園以風雨遂止二首

仲夏陰晴半林塘水石隈窗雲開遠色檐日度輕雷雨
阻東山屐天畱北海杯門牆接苑樹長晝得遲回
東圃春餘麗西亭晝不譁雨來畱聽竹風起罷看花堂
是裴公野莊仍李相家庭階有碧草早見茁蘭芽

李川甫戴時亮過訪

豈是高人室能勞二妙來炎天雷雨豁深院鬱蒸開改
席因風樹畱尊對晚苔高吟俱感激琴罷轉餘哀

暮雨劉以正過飲

驟雨暮不止轟雷昨夜奔炎蒸三伏破風霧二儀昏款
客深投轄寬愁細倒尊秦川與楚塞畱滯兩鄉魂

鑑上人房訪大和兄飲

大復集卷十八

四

雷雨思炎月塵沙苦冀方久拚河朔飲今醉雪山鄉蘿
月搖丹牖松雲抱石堂憐君依宿地棊簞轉清涼

同川甫寺中避暑

偶到清涼地番思苦熱哀水堂菡萏折風殿薜蘿開逃
暑無三伏憑虛有一臺西山晝雷雨不見洗天來

同李川甫鄒子家過張子言舍

白晝風雷過城波靜碧沙溼雲翻抱暑西日半籠花元
禮舟堪並鄒陽賦更嘉同游仲蔚宅杯酒重年華

訪子容自荊州使回二首

使節荆門返文章楚郡傳綵雲神女賦斑竹帝妃篇甲
古南游日憂時北上年停杯問世事轉眼幾回遷

下馬逢今雨東堂覓舊醅入秋翻暑溼過午復雲雷
花已經年放人今萬里回世情吾懶道但飲莫停杯

雨中劉汝忠過對棊觀詩談邊事作

城晚客居靜邊秋胡馬多黑雲浮日動白雨映天過
謝傳惟棊局劉琨只嘯歌異時安見汝談笑卻干戈

中秋十三日子容樓

對酒中秋日憑闌萬里遙風高塞國鴈月近海門潮
興逐燕歌起魂從楚望銷無邊漢宮柳煙色晝蕭蕭

十四夜李川甫宅

獨院淹杯酌高秋驚旅魂風蟬急白露沙葉靜黃昏
月上看天柱潮來望海門平生壯游志非爾向誰論

大復集卷十八

五

十五夜劉子緯宅子靜初至對月

長安今夜月復滿桂花輪笛裏三年淚尊前萬里身
關山上雲霧樓閣下星辰況接離羣友悲歌對愴神

過宗哲故宅

過門猶宿昔駐馬復誰雷雨院殘春竹風庭折晚榴
還家無二頃歸櫂有孤舟日暮鄰人笛淒然涕淚流

八月二十八日子容過對菊

近節逢花放開尊集異鄉乾坤共一笑風雨似重陽
誰識暮蟬意獨憐秋樹芳它時益爛熳邀爾醉西堂

九月一日過劉氏昆弟對菊

謝庭看朔菊楚客醉燕邦瓊樹元相對金花亦自雙
霜

雲陰夕院燈火燦秋窗待到重陽日還來倒玉缸

汝濟夜過同以行對菊

搖落相過地芳菲晚更親酒醺畱媚眼銜色笑生春風
雨新晴夜江山未老身百年如不醉恐負此花神

同許補之劉子緯登定州塔

塔閣盤空上笙簫透洞行懸梯出萬井飛蓋俯孤城燕
岱風雲色滹沱鴈鶩聲登高並回首直北是神京

夜集錦夫同本貞限韻

萬里同鄉友飄零歎此逢江山饒涕淚歲月老形容風
散城邊角雲傳海上烽中原尙格鬪未可問雲松

繡水晴瀾

大復集卷十八

六

獨憐繡溪水卻出錦屏山岸夾桃花浪沙明碧石灣泛
霞開激灩乘月弄潺湲千載高人去誰來釣此間

以行自西山還相訪

聞汝西山去題詩十日還獨行翠微裏應到玉泉灣石
壁雲孤裊冬巖菊自斑煙霞發妙思高詠眇塵寰

夜歸昌化寺

日落歸山剎松風處處聲幽深不易到昏黑更多驚壑
斷尋溪入峯回截嶺行茲游藉朋好奇絕冠平生

平坡

晚眺平坡上蒼茫萬壑前一僧行樹杪諸客到寒天險
駭將崩石清憐乍坼泉翠華公主塔縹緲碧山巔

圓通寺

曉問圓通寺青山拄杖尋飛梁
石澗寒日抱霜林殿閣攀躋遠
關河眺望深下看孤鳥翼萬里送
遙心

仁壽寺

塔廟開龍象叢林會法筵散花
金布地拄杖石飛泉漂泊登高興
依棲習靜緣北風吹袖起昏黑下
諸天

詠天寧寺塔

七級芙蓉起千年舍利藏地形標
海嶽人代閱隋唐鏡現三天象珠
含四日光白毫空萬里處處有迷
方

菊莊

吾憐陶處士瀟灑出塵埃白髮秋
逾短黃花晚自開百

大復集卷十八

七

年常對酒九日漫登臺卻顧輪
蹠者悠悠徒爾哀

大功德寺

寶地煙霞上珠林霄漢間宣皇
畱殿宇今日共追攀御榻臨丹壑
行宮鎖碧山帝城看不遠時見五
雲還

玉泉

行游金口寺坐愛玉泉名雲去
隨龍女風來動石鯨入宮朝太液
穿苑象昆明卻望天河水迢迢萬
古情

望湖亭

獨上湖亭望霜空萬里明檻疑天
上立槎是斗邊行雲霧開山殿芙
蓉暗水城先朝四百寺秋日徧題
名

慈恩寺

海子橋西寺高樓御苑花中流自日月平地有煙霞客
至開金殿宸游想翠華十年復到此朋輩各天涯

一舫齋

乾坤聊一舫高臥此齋深竹散琴書色窗開島嶼陰乘
桴浮海意擊楫渡江心無限風波裏何人歎陸沈

鏡光閣

峻閣岩堯上層城眺望中風鈴齊送響雲磴曲盤空海
色搖窗碧蓬萊影日紅翠華無復到長鎖翠微宮

關門

虎衛關門迴龍沙塞曲深風雲時有氣日月晝長陰中
使西來訊千官北望心天寒漢宮闕翠蓋憶春臨

大復集卷十八

八

寄題蒼谷寺

曲水盤山地松門路不分青天望嵩少白晝吐風雲過
客空高興徵君自有文霜鐘翠微裏日暮渺相聞

鑑公房石磴

石盤何年鑿瑤鏡此夕然雲流自五岳月色近諸天定
裏金輪轉光中玉鏡懸西來不滅影常照法筵前

張侍御仲修送弓

繡服意相親彫弓把贈新獨憐投筆志未老據鞍身晝
控鳴風鏑宵彎抱月輪倚天時一望西北有胡塵

新鄭道中

客路臨新鄭雲沙望轉平夕煙生斷塹野水入荒城下

馬看碑誌逢人問地名千秋陵谷在懷古益多情

淇門

何處問商圻荒原尋斷碑鷄鳴深市井鴈入古城池斜
日人空弔浮雲世自移祇餘淇上竹綠色映寒漪

銅雀臺

美人望陵處無復翠華過殿冷聞歌吹宮春罷綺羅落
花嬌靨盡芳草怨魂多日暮漳河水東流空白波

壽鄺廷瑞太守

五馬歸來日閒身六十強春花自爛熳雲水共徜徉邑
種萊公竹邦畱召伯棠平生天下志白首付滄浪

初度

大復集卷十八

九

此日吾初度深杯且自揮眼看兒女大身覺弟兄稀未
得浮滄海徒然倚紫薇齒年今不小心事已多違

秦翁輓章

不見此翁起誰尋處士家邑人傳月旦蒿里慘霜笳水
面藍田月春殘清渭花隴雲深一墓寒月晝空斜

輓謝晚耕

五十不入城獨吟稱晚耕日南提劍志海上卻金名故
里松猶在秋田草自生江湖夢顏色悵望有餘情

輓謝中丞

閩海通南極三山產異才循良三歷郡鎮靜久登臺神
鬼愁先見蠻夷望復來誰看大星落天柱使人哀

吳中丞雙輓

近讀中丞傳兼聞節婦吟死收銅柱續生有柏舟心滄
海空潮汐青山自古今雙魂俱不泯何恨九泉深

海岳陳翁輓章

白雲送秋老一墓海門邊花憶嘯鶯日風悲種樹年人
閒餘翰墨天上有神仙從此遼東鶴千年更一旋

百戰

百戰將軍死中原將士哀山河猶汗馬霄漢已雲臺敢
料安危勢須還節制才南征聞日遠消息幾時來

觀兵二首

將帥俱分閫朝廷再剖符選徒皆虎士戰馬盡龍駒直

大復集卷十八

十

指黃河外長驅碧海隅感恩須此輩萬一爲捐軀

組練回天地戈鋌白日搖王師一奮怒寇賊可潛消使
過傳金節軍行奏玉簫人言漢家將今是霍嫫姚

諸將

萬方皆寇盜諸將半公侯未息蒼生困猶煩玉食憂珥
貂前日賜汗馬幾時收莫倚兵車力安危在運籌

防寇

萬國猶防寇三年未罷師天清聞鼓角野曠見旌旗岸
雪晴含照山雲晚趁姿孤臣北上日想望太平時

盜起

盜起從畿甸徒勞將帥心徵兵搖白羽募士散黃金天

地河嵩隔風塵海岱陰萬方吹畫角此曲淚沾襟

花當

聞道花當種緣邊部落遙百年爲漢衛每歲款天朝犯
順若無敵背恩誰爾驕側想文皇日龍驤親渡遼

內直遇雪

裊裊城雲影蕭蕭急霰催遠從仙閣度輕繞鳳池回弄
日搖彤管含風引玉杯春還今歲早先報漢宮梅

入朝遇雨

躍馬天街霽趨朝冷色催好風先北起微雨自東來柳
拂重城鎖花籠複道回萬方憂旱日沾灑望蓬萊

將雪有懷

大復集卷十八

十一

長安十萬戶騎馬欲何之已動尋梅興空成采葛詩雪
心知霰集雲意怯風吹今夜西堂燭蕭然有所思

冬月

冬月少光輝霜天影漸微鼓鼙仍雪塞燈火自風扉水
凍蛟潛泣沙寒鴈不飛何時漢家將雙照羽旗歸

秋雨

斷續城頭雨空齋綠蘚封孤燈聞過鴈四壁起鳴蛩細
草傷心碧幽花滿目濃美人居綺陌幾日一作悵不相逢

十七夜月思

秋夜已如此美人安在茲含顰回玉魄揚采憶娥眉嬾
擗芳香歇盈盈白露滋河關悵伊阻誰復訊佳期

何大復詩集卷十八終



大復集卷十八

三

何大復詩集卷十八終

何大復詩集卷十九

信陽何景明仲默撰

五言律詩八十一首

雨雪曲

蒲海雲成陣天山雪作花長城烽火入虜騎動鳴笳霧
深迷漢月風起暗胡沙一夜關河冷征人盡念家

星變

星變干常紀花開與令違九重方避殿四海望垂衣賦
斂何時緩流亾幾處歸廟堂圖至理早晚答天威

冬月

冬月今宵滿他鄉此夜情城高初影堞樓靜故當楹霧

大復集卷十九

濯寒輝苦風吹夕暈生捲簾愁不寐庭樹宿鴉驚

月食

月蝕中秋夜中天萬國看衣冠連大內鐘鼓動長安光
沒天河曉陰沈渤海寒聖心應念此長望五雲端

九月十五夜月

萬里高秋月青天此夜看乍流關塞影遙出海雲端浙
浙開風幔輝輝傷菊欄清笳奏城闕爲報漢宮寒

中秋無月

月賞今年罷高樓獨客愁關山中夜笛江漢故鄉舟暗
雨梢檐入秋螢度檻流應知雲霧上天柱有人游

六月望月食

未月黃衢厄妖遮赤道行魄殘疑近晦食甚始生明奏
鼓風飈慘登壇雷雨清櫂槍猶未掃天意豈休兵

元日

元日王正月傳呼晚殿班千官齊鵠立萬國候龍顏辨
色旌旗入衝星劔佩還聖躬無乃倦幾欲問當關

五更

五更霜雪霽忽夢紫宸班天上傳鐘鼓風前想珮環鷄
鳴無復詠馬動亦虛還憶在先朝日朝朝見聖顏

三月三日

病眼看天地風沙當晝吹賞心孤酒伴行樂過花時水
曲蘭芳靜城陰柳絮遲東郊有車馬春色報人知

大復集卷十九

二

秋夜

暝砌凝寒色高樓閉綺櫺露蟲吟蟋蟀風葉下梧桐此
夜關山月何人悵望中冷然感秋思況復聽征鴻

元夕

鐙火萬家歡高樓玉漏殘舞雷華月緩歌裊綠雲繁雪
郭春初霽煙城夜不寒畫橋垂柳外游女珮珊珊

十月一日二首

今日孟冬朔輕煙澹曉曦北風飄一鴈寒氣入千門消
息斷行客關河迷故園浮生元不定俯仰任乾坤
嚴霜淒卉木茲歲復將周寂寂龍蛇墊寥寥江海流暮
鐙喧巷哭風角起邊愁不盡中原望難尋萬里樓

歲晏

歲晏看人事蒼茫繁所思浮雲當日暮積雪見春遲報
國元無術寧親未有期獨憐張內侍吟絕四愁詩

中秋

風塵悲海內滿月對長安聞道王侯第中宵宴未闌
雲吹玉管生水弄金盤獨念南征將關山此夜寒

三月三日

三月正三日長安春可哀鴈從南國至花向北人開
戎馬中原地鄉關萬里臺蹉跎歎物色容易歲年催

清明日病懷

旅舍清明日長安新火煙桃花轉愁思竹葉興蕭然客

大復集卷十九

三

病閑官馬囊空澀俸錢故鄉聞稍定南望好林泉

謝崔太史惠菊

遺我高庭菊懷君秋樹林香添竹葉蓋色助草堂吟翠
蓋翻風檻霜天倚玉簪晚芳如不歇可比歲寒心

觀荷

入院高荷密畱尊菡萏遲絳房扶水萼翠蓋倚風枝檻
坐明星夕窗過驟雨時流雲點點度故傷綠陰池

寺中吾子館海石榴

西林雲晝靜覆院海榴花坐映東窗下疑窺鄰女家枝
枝搖綠水片片落丹霞錯比珊瑚樹光輝偏一作日華

汝慶宅紅菊二首

紅菊開時暮亭亭冠物華亦知顏色好不是豔陽花羅
綺嬌秋日樓臺媚晚霞清香如不改常傷美人家
秋花何太豔綠蓋慰飄零笑比西施醉愁憐楚客醒雲
高開爛熳煙細裊娉婷好爲多沽酒頻來倒玉瓶

沈道士館牡丹

仙亭牡丹樹不數玉山桃忽漫相逢處開花爛熳高彩
雲停度曲遲日動揮毫明歲天壇路春風憶錦袍

雨中紅芍藥

百花堪獨立一雨更風流日暮行雲女仙裳覆楚邱明
添丹臉淚暗抱錦心愁晴晝猶須賞何人駐紫騮

長安柳

大復集卷十九

四

三月長安柳春風吹暮天花飛御溝水葉傷漢宮煙繞
岸猶堪折臨流更可憐故園無限樹零落戰場邊

芍藥

城中芍藥徧席上把殘枝上苑相看日春風爾教遲豔
歌翻錦瑟酣醉倒金卮南國今開罷園亭數夢思

觀竹

相國西垣第新看種竹成葉香鳴鳳宿根古蟄龍生雨
洗琅玕色風傳竽籟聲山林輕肉食心迹喜雙清

魯山院竹

秦公堂下竹覆地長新篁雨飈春牆碧風含石室涼經
行雷下榻晏坐對焚香遺響流笙鳳時時落上方

聞鴈

見汝今南下憐予一望家亂聲求侶急高影背人斜月
靜林無葉雲寒菊有花萬行關塞淚秋日墮胡笳

鸚鵡

不恨金籠閉其如鐵鎖牢側身燕雪苦垂翅隴雲高豈
爲能言語番令妬羽毛鷹何猛氣翻掣錦鞵絛

春鴈

花初背楚澤雪罷度桑乾漸起隨春色高飛犯朔寒書
停江國望陣倚塞門看憶爾常南北無嗟行路難

鴈

嘒嘒胡笳怨飄飄南鴈翔長風度關塞九月下瀟湘積

大復集卷十九

五

水浮連影遙空起斷行故園秋望盡聞爾淚沾裳

聞鴈

鳴鴈南方去人今北地聞水寒沈塞角沙暮起秋雲獨
叫如求侶相呼恐失羣高樓潛望爾鄉思轉紛紛

麴

碧山誰放汝華館故相羈野性看人駭閒身顧影疑草
香春過處花暖晝眠時無限雲林好樊籠祇自悲

蘇子游赤壁圖

垂老黃州客高秋赤壁船二分畱古蹟兩賦到今傳落
日寒江動青天斷岸懸畫圖誰省識千載尙風煙

彼美東鄰子

彼美東鄰子花間白日醺纖腰人不見妙曲轉愁聞舞
罷空明月歌餘尙彩雲章臺楊柳樹花暮落紛紛

雪夜九梅翁園同蒼谷宴集二首

郊城風雪夜騎馬叩誰門乘興寧回棹寬愁數倒尊
荊堂開洞壑楓岸疊沙村朝市山林意非翁未易論
冬夜南園集攜游興未窮登臺望積雪下嶺逐回風
駿愛林中馬冥思海上鴻不因蒼谷子誰識九梅翁

到鄂簡王敬夫

以下秦集

杜曲花無數城南柳更重去天惟尺五隔歲一相逢
雨過春陂水雲開紫閣峯好陪王學士杯酒日從容

同敬夫游至華陽谷聞歌妙曲

大復集卷十九

六

名邑今重過終南第一游山中白雪倡天上綵雲流
柳散秦川色花含杜曲愁同時霄漢侶十載臥林邱

過康子德涵彭麓別業

不求金馬召翻愛碧山棲柳色閒門閉桃花曲徑迷
酒船時問字翠壁有雷題只此林泉好無煩到許西

答張道夫都閩病懷

不到將軍第秋清病起遲誰知平子後復有四愁詩
月幌臨書帖風庭掩戟枝東橋好山水何日赴幽期

九日同陳侍御鳳谷登樓

柏臺驄馬使蘭谷鳳仙家暫駐三秦節來看九日花
風霜高錦樹雲日麗清沙去去層霄上回瞻北斗斜

送閒雲子還河內

爾西訪崆峒東隨河上公神仙自有友不與世人同
王屋畱鷄犬天壇躡斗虹白雲從此駕去去入無窮

臥病簡汝濟士奇時濟二首

臥病常遲起焚香獨燕居聊因謝簿領暫得弄琴書
嶽色盈虛牖泉流繞暗渠雖然官府內不異在林廬
習隱開三徑耽幽構一齋吏人稀到戶烏雀自馴階
藥補身差健詩成悶強排同聲二三子不見好音來

一作懷

過馬谿田村居

宛宛清河曲團團翠竹村臥龍元勝地容駟已高門
野曠嵯峨出天寒雲霧屯何時還過訪無限欲相論

大復集卷十九

七

冬夜過仲木

漢殿詞臣第秦川處士家過逢遙慰藉文翰轉光華
夜興山陰雪春情渭北花江湖望霄漢相對一長嗟

寄彭幸庵中丞

山海藏身遠朝廷屬望頻駿功收戰伐龍臥偃經綸
星宿黃河氣風雲華嶽神生才元有待終起慰斯人

贈張時濟陳伯行胡承之周少安三月三日出

城游宴

芳筵開上日才子出京華暫別含香署俱停訪石槎
秦川平對酒漢苑曲穿花應共題春草相過謝客家

是日
益時

濟邀
諸君

送張行人齋大行皇帝遺詔使秦蜀

我皇忽宴駕君行辭直廬九霄持使節萬里捧哀書湖
望雙龍鼎橋回駟馬車錦城花滿樹爭識漢相如

清明日病臥聞三司諸公出城

伏枕花辰過閉門尊酒空賓朋臨水上供帳出城中柳
色龍池雨鶯歌杏苑風秦川多勝事游賞未能同

秦府進麻

寶麻頌天闕金尊宴錦軒萬年周正朔七葉漢宗藩向
日奠階曉含風蕙砌暄同懽承睿款歌舞頌乾元

拜將壇

漢主西封日淮陰拜將時壇場如往日朝代幾遷移王

大復集卷十九

八

氣風雲歇雄圖日月垂江山弔故國誰復見旌旗

秦嶺謁韓祠

捫蘿登峻嶺級石上荒祠雪阻南遷路雲停北望時文
衰真有作道喪已前知千載經行地高山空有思

登五丈原謁武侯廟

風日高原暮松杉古廟陰三分扶漢業萬里出師心星
落營空在雲橫陣已沈千秋一瞻眺梁甫爲誰吟

普緣寺有馬融讀書洞

春山尋古寺昏黑尙攀緣仄徑千盤轉巉崖萬仞懸虎
常嘯白晝猿忽墮青天欲訪明賢洞冷泠隔澗泉

書院課士雨至有作

雨色閒堂靜橫經坐晝深笙歌非絳帳絃誦有青衿竹
勁梢檐碧松寒覆院陰萬人憂旱日洗耳聽秋霖

登樓鳳縣作

近訊中原使兼登萬里樓朝廷仍北極行在且南州峽
斷風雲隔江通日月流如聞乘八駿早晚向崑邱

東河三月晦日

雨宿東河夜送春山館寒遠沙霾霧樹危石上風湍慣
涉波濤險偏經道路難平生四方志回首欲求安

青峯閣曉霽

初日東峯上微微霽色分丹崖含宿雨青嶂拂歸雲候
騎林端發鳴笳樹裏聞前山更可愛晴望碧氛氲

大復集卷十九

九

草店雨行

山館夏陰澹雨行寒色淒奔湍回白石折坂下青泥棧
道常通北江流卻向西千峯問來路煙霧使人迷

馬道驟雷雨復霽

萬壑驚雷起千峯鳴雨過稍看風瀨減更覺夏雲多虹
飲垂清澗猿行挂碧蘿山中無吏事長嘯答樵歌

弘道書院

梁棟起層雲松筠散夕曛九嶷瞻泰岱清渭接河汾冠
蓋時時集絃歌夜夜聞登堂持節印衰薄愧斯文

咸陽原

千秋陵墓地駐馬惜茲行晚日登原殿晴天見渭城望

春時極目訪古獨含情奈有咸陽草風吹歲歲生

草堂寺

昔讀高僧傳今看勝地形院寒留檜柏殿古落丹青寶
塔參遺影荒臺問譯經駐車春日暮散步出林坳

說經臺

西海何年去南山萬古存風雲留福地星斗上天門有
欲誰觀妙無爲自覺尊青牛不復返空誦五千言

普緣塔

石蓋凌空起丹梯出翠微雲從珠頂覆鐙轉鏡中輝鴈
沼波濤涌龍宮日月圍何能攀絕頂一覽漢邦畿

磻溪

大復集卷十九

十

丈人昔未遇垂釣此溪中不感風雲會誰知八十翁晚
楓漁浦暗春草獵原空獨令千載下懷古意無窮

長春宮

夜宿仙人館晨聞鳳吹停玉窗開曉月丹井汲春星久
祕長生訣空留不死庭下山回一望巖壑杳青冥

益門

益門通漢沔棧閣上雲霄蜀道從茲始秦川望已遙生
風鄰虎穴回日過龍標眇眇征途子雲山誰見招

新開嶺

塹山通大谷槎嶺挂天梯倚獨一作立飛雲上回看落日
低異花千種色怪鳥百般嘯晚就松林宿煙昏度碧溪

一作寒煙
下碧溪

柴關

連峯入冥雨，絕壁閃餘霞。水認秦人洞，林疑謝客家。石門踐苔蘚，源口覓桃花。他日求棲息，無言此路賒。

武關

北轉趨劉壩，西盤出武關。微茫一線路，回合萬重山。天地幾龍戰，風雲惟鳥還。關門鎖溪水，日夜送潺湲。

昭烈廟

漂泊依劉計，閒關入蜀身。中原無社稷，亂世有君臣。峽路元通楚，岷江不向秦。空山一祠宇，寂寞翠華春。

鹿苑寺

卽摩訶庵

大復集卷十九

十一

舊宅施爲寺，青山屬野僧。高人不可見，勝迹已無憑。色借荒亭草，陰垂古殿藤。千崖一微徑，異代幾攀登。

過華清宮

冬一作偶

駐華清殿，千秋憶翠華。青山無帝宅，荒草半人家。

雪下湯泉樹，春回繡嶺花。長安望不遠，誰見五陵霞。

望終南

近覽南山霽，遙迎西日曛。黛橫千里色，花抱一作把五臺

雲。城闕行相映，川原望轉分。丹梯懸石洞，未訪赤霞文。

首山

王君首山下，新起讀書樓。雲霧懸蘿入，湍波涌竹流。具茨黃帝宅，嵩少羽人邱。想待功成去，方爲此地留。

兩河口

東下商南路西辭蜀北門青山兩河口古戍百家村曲
棧盤林杪危湍噴石根經過回白首蹤迹半乾坤

大復集卷十九

三

何大復詩集卷十九終

何大復詩集卷二十

信陽何景明仲默撰

五言排律二十六首

上李石樓方伯 以下家集

三晉多人傑吾師出固然素汾經太岳紫塞入幽燕世
業端居里名邦倚舜田由來天運復誰謂地靈偏郭相
慚先達王通俟後賢明經超第一射策對三千感會逢
昌紀登庸起少年劒鋒寒照雪辭藻麗生煙博物張華
讓多才子建憐八又迎客賦隻字使人傳豈獨文章貴
還應器識全雄談飛玉露浩氣豁金天亮節唐元振英
風魯仲連青雲仍自致黃鶴任孤鶩簪筆星辰上持書

大復集卷二十

日月前觸邪稱獬豸特立憚鷹鷂東觀臨晨入西臺薄
暮旋朝回焚疏草吏散閱陳編百采班行整羣公禮數
虔一年巡洛表兩命下秦川斧鉞威關隴舟船達澗瀍
石林風浙瀝霜仗月嬋娟邊徼胡宵遁茅茨犬夜眠激
揚引憲度旌別布威權制作人文渙經行草木鮮闡幽
輝往哲訪古徧遺阡汲黯還辭漢張騫又使邊臺端堪
秉節湖上且移旃城接三江樹波通七澤蓮蠻夷恩已
洽州郡役多蠲糾察元無隱焚藹肯自便駐車仁雨渥
登座法星懸遠臬馳譽久當途薦疏聯碧梧看鳳時喬
木待鶯遷分陝推公爽封侯得傅玄開藩臨宋苑張幕
倚河壩位重心逾下名高守益堅薇花當省署棠萼滿

郊園聲價隆方鎮光武動斗躔明堂求畫棟清廟想朱
紘寇準眞時望王公勸早宣麒麟功不朽金石頌應鐫
愚本蓬蒿質那堪侍几筵垂髫蒙引拔撫志荷陶甄附
驥懷深願登龍感夙緣未除原憲病空負樂生愆舊業
心常在脩途步轉邁鸞鳴猶待律魚得敢忘筌草野瞻
飛蓋雲遠望著鞭臨風歌此曲慷慨不成篇

寄徐博士二十二韻

有美雲間士才名洛下傳逢時不得意謫宦轉悠然殊
渥優文學清階謝糾纏班行亦霄漢官侶是神仙樓閣
星辰麗宮牆日月連院桃紅爛日闕檜碧參天賈誼爲
王傅陽城淑後賢諸生攻誦法六館藉陶甄玉序金鑪
列虛廊石鼓懸雅音淒古調奇字索遺鑄劉向憂經術
揚雄困草玄羅傷廷尉宅座歎廣文擅魯壁藏書日齊
門鼓瑟年青衿時涕淚學士盡奔遷鸚鵡愁金絡麒麟
恥玉鞭客心千里鴈歸興五湖船上國同傾蓋長宵更
接筵彩雲停翠管白雪繞朱絃悵別燕臺下淒涼楚水
邊海鷗終浩蕩天馬自騰騫朋舊稀相見江湖益可憐
因風問消息尺素幾時旋

寄邊太常

不薄淮陽守翻辭大省寮聯翩追近地奉引憶先朝碧
落仙人館銀河織女橋漢儀瞻鹵簿虞樂典簫韶日月
旗常動星辰劔佩搖聳身殊道路回首隔雲霄河內猶

宜借山陰豈見招乾坤五馬貴江海一塵遙雅識懷金
奏同游歎玉鑣歲年雙轂轉岐路一蓬飄鸞羽終難綴
鶯遷本在喬九苞應不遠覽德是何朝

復庵王公錦

斯人中土彥未老卽重泉薦鶻推前達乘驄憶少年聲
名起霄漢詞翰落雲煙志在身先退才高道亦全劒橫
常自許寶棄復誰憐世業襄城舊孤墳汝路偏脩文應
地下遺像儼生前未得瞻風槩空令涕淚懸

愚庵王公瓌

大夫元曠襟抱絕塵氛香署星辰列清班鸛鷺羣兩
都看宦達百宋重廉勤要地能知止危途恥策勳早投
南郭隱不待北山文身向歸來健名從死後聞一官無
厚業諸子有餘芬鳴瑟哀梁木遺書落案芸風花虛館
榭煙草自丘墳野路東流水空山歲暮雲九原長不起
回首一懷君

雷

十月雷鳴動中宵萬壑哀初聞蟠地出忽覺繞庭回夜
水蛟龍鬪寒山風雨來江濤何處折天柱此時摧詎識
乾坤意深愁號令乖攬衣還不寐坐望積陰開

雨後溪園卽事

偃息春朝宴輕陰散野園山雲行翠壁溪水渡河源鷺
浴晴相倚鳧飛煖自喧疏楊映遠岸細草入平原開徑

徒懷侶臨流且避喧豹終隨霧隱龍豈怨泥蟠鴻鵠皆
千里鷄豚自一村幽棲何限意難與世人論

中元節有感

去歲中元節朝陵百職同嚴趨神路左遙拜孝園東龍
虎瞻王氣乾坤仰帝功未回衡嶽駕空墮鼎湖弓啟兆
龜圖順編年鳳歷終玉衣陳晝幄寶瑟闕玄宮北極猶
前日南薰亦舊風病居逢此日長望五雲中

九日

盜賊無休日憑高淚滿纓岷峨日懷愴江漢失澄清故
國遺軍壁孤城傷虜營兵戈生朔氣鼙鼓入秋聲吹帽
他時興登臺此日情賓朋共一笑俯仰異平生黃菊淮

大復集卷二十一

四

川晚丹楓楚岸晴蹉跎栗里醉憔悴澤中行近郭青山
抱回隄綠水縈長陰接遠甸短日背高城墟里孤砧發
關河一鴈鳴臨觴憂戰伐對食想昇平元帥誰摧敵尙
書尙用兵幽人獨北望疲卒舉西征秋圃芳菲雜閒門
烏雀盈垂蘿飄几席落葉裊檐楹夕竹捎煙勁寒花泣
露明光陰玄鳥變湖海白鷗輕放逐寧違性棲遲且避
名蒼生大臣在莫自涕縱橫

悼馬詩

并序

予家買得一馬齒小而良丁卯歲季夏十五夜
予忽夢一龍子立階下踟躕而死夢驚僅在戶
外呼曰廐馬死廐馬死予怪且惜之作悼馬詩

十韻

乘爾方踰歲何期病忽危四蹠猶未鑿雙淚泣長垂
水千年降房星一夜隳早逢田子歎終共塞翁悲
顧影辭金絡遺骸戀敝帷詎能酬餉秣那復效驅馳
首荷殘空樞莓苔滿故池風塵思駿力煙海失龍姿
惆悵玄黃句淒涼赭白詞平生精志在不愧主人知

郊觀二十二韻

以下京集

今代圖丘地天開壯麗區神祇二后配禮樂百王殊
制作由皇祖儀章藉老儒萬靈欽受紀七聖亶承圖
柴望兼虞典登封略漢模魏基錯采繪法象備堪輿
丹戶乾坤闕雕牆海嶽扶瑤壇上星斗琳觀俯虛無
輔弼朝玄

大復集卷二十一

五

座句陳衛紫樞風含浴殿暖雲裊露盤孤好時瞻春祀
嵩高聽夜呼公侯守禁籞虎旅發金吾玉輦臨犧宰珍
饈走膳夫廟懸鏞鼓列庭舞羽干趨俎豆聯周簋圭璋
飾夏瑚祠官足錦繡道士住蓬壺澤草三花綻宮霞五色
敷時時聆磬管鬱鬱鎖松梧日月藏金櫃龜龍祕赤符
祈天洪洛誥渡海斥秦誣杜甫唐三禮班生漢兩都
侍臣從此賦千載頌文謨

壽許司馬

閒代生豪傑乘時見哲人雄姿龍馬異偉器廟廊珍浩
蕩天開運崔嵬嶽降神扶持元有自制作固無倫扁落
先朝事崢嶸報主身九霄隨日月萬里出風塵柱下曾

簪筆臺端早曳紳，觸邪持豸角糾繆。逆龍鱗道直官頻
謫，時危志不伸。流言鑠金石，雅操厲松筠。行路知桓典，
專城借寇恂。清譽高士論，優詔闡皇仁。紫禁彈冠入，黃
沙捧節巡。讜謨仍寡合，正氣凜難馴。厚寵臨危辱，幽期
邁隱淪。班行看解綬，河上羨垂緡。謝臥東山裏，夷歸北
海濱。蒼生懸望切，青瑣薦書頻。改革逢多難，倉皇憶舊
臣。帝心虛簡在，神武藉經綸。指顧三邊靜，吹噓四表春。
朝廷推汲黯，帷幄用陳遵。圖識魚蛇變，營觀虎豹旻。赤
墀分雨露，畫省接星辰。下殿常宣問，臨軒數見親。御香
攜袖滿，瑞錦賜袍新。不屈朱門貴，能憐白屋貧。散衙時
待士，開閣晚畱賓。片善無攸伏，微言得具陳。重闡俱鑿

大復集卷二十

六

鑿諸子，益振振寶氏。燕山桂莊生，漆圃椿趨庭。羅彩服，
列鼎席文茵。夢燕佳辰協，乘牛紫氣真。庶司欽軌範，斯
世待陶甄。願保喬松歲，長登要路津。頌聲垂琬琰，勳業
上麒麟。末進瞻休采，愚衷實忤忻。魏公中土彥，誰謂德
無鄰。

壽泉山先生

德業台衡望，精神光嶽靈。漢儲懷羽翼，周士服儀刑。紱
舄登三省，皋比擁六經。飛章白獸闈，解組鳳凰亭。慷慨
陽城餞，悽惶楚澤醒。丹心對日月，白首臥滄溟。積慶璿
源濬，垂芳奕葉馨。彩衣萊子宴，玉樹謝家庭。海嶠神仙
窟，煙霄鳧鶴翎。棲身葺薜荔，返老斲松苓。花映衣裳古

芝凝眉髮青三山開壽域萬里重文星雨露知桃李春
秋報焚奠聖朝耆俊禮早晚貢雲局

簡粹夫

二十知學道于今猶未真白髮空愁我金丹不遇人側
身向天地舉足墮風塵乘雲空有興涉海浩無津聞君
能鍊骨妙論頗通神倘惠長生術高揖謝親賓

送梁鴻臚之什邡次孟望之韻

王官葉縣宰仙令漢庭間寵餞傾朝俊清光憶近君
謁舟三峽去鳧舄九霄分錦水流營月巴山入陣雲朝廷
再遣將郡邑半從軍雍齒封侯地期君早樹勳

寄贈王子衡御史時按關中

大復集卷二十

七

獨坐清關內臺中覺汝賢函崤天下險周召國風先按
節人文朗登臺使令宣豺狼避驄馬神鬼泣龍泉文彩
驚流輩微庸憶往年衣冠隨謁帝館閣望登仙省接星
辰近池臨雨露偏畏途逢改革新法忤權奸放逐江湖
去飄零歲月遷地卑棲鐵羽天近起聯翩殘寇猶衝突
蒼生極倒懸專征空授鉞募戰豈論錢漂血江河赤僵
尸楚蜀連俊才兼武略要地有威權馬上排金戟軍前
贈玉鞭笑談安石計激切賈山篇漢苑南山下秦城北
斗邊相思一回首萬里各風煙

贈良伯

帝座神仙侶天河烏鵲橋常時異棲息今日共雲霄念

子飛騰入相看衢路遙人猶惜駸褻吾已歎鷓鴣苑旭
高雲閣宮花並玉鑣明光羨起草努力在清朝

贈劉生

劉生何激昂下筆已成章誰敢輕年少吾尤重老蒼王
楊操翰墨游夏早升堂汗血眞龍種奇毛本鳳凰炎天
雷玉樹花夕映冠裳霄路雲鴻羽他時看爾翔

送鄭伯生送親還夷陵

送喜潘輿動承權解玉簪私情烏鳥疏恩詔鳳凰林晝
錦供萊服秋懷罷越吟路難回馭志江穩放舟心雨露
殘冬景風塵靜夕陰荆門巴國盡巫峽楚宮深碧樹猶
春色黃鸝更好音莫因鄉土樂長往故山岑

大復集卷二十

聞河南捷呈閣內諸公

八

近得河南定旋收東海疆元兇親受縛餘孽遠潛藏始
失徐關險終連郢塞長狐狸窺社稷螻蟻竊侯王清洛
千營駐黃河一葦航詎能逃汝漢那敢傍高邨勇略傳
諸將兵威借朔方中丞兼節制上宰極扶匡霽色瞻宮
殿陰氛散渺茫凱音連報捷獻壽屢稱觴天子開麟閣
羣公奉柏梁中興當此日漢武是今皇愴往衣冠禍哀
茲盜賊猖缺折悲相國開網見殷湯格鬪中原血誅求
海內瘡猶須哀痛詔可少治安章斟酌調元氣扶持立
紀綱薦新行太廟覽政坐明堂不獨殲豺虎還應感鳳
凰蒼生倚君相拭目看時康

子衡在獄感懷二十韻

朋儔日乖蹇念汝涕如瀆賈誼生非晚鄒陽志不羣書
從梁獄上哭向漢庭聞天地虞羅密江湖釣餌芬路豺
那可問屋鼠竟難熏已懼蒼蠅點真成貝錦文神龍在
污淖鷺鳥失青雲日月盆還覆薰蕕器不分斗閒誰辨
劍野外枉懷芹談虎嗟何及亾猿禍已云高才元脫略
眾口但紛紜木直防先伐蘭芳忌自焚畫臺幽白日冬
井下霜氛曉榻明星暫陰牆白草曛連驂虛縑縑尺牘
阻慙慙石父遭齊相鍾儀滯楚軍受書賢不死演易聖
猶勤縲綬終非罪文章固有勳燕臣霜霰烈庶女震雷
殷佇見天王聖金鷄早赦君

大復集卷二十

九

寄題丹陽孫氏七峯山房

聞爾山房勝天秀七峯芙蓉疊日月雲霧裊杉松階
倚品巒積窗通洞壑重丹霞互明滅瑤草自春冬靜得
沈冥趣幽探仙聖蹤源潭暗雷雨白晝有蟠龍

蓉溪書屋

書屋蓉溪曲雲林蜀嶺斜一經韋相業萬卷鄴侯家檻
護連枝秀池看並蒂葩謝庭森玉樹漢省接金華山月
岷峨雪江天濫灑霞花潭通白石錦水出丹沙星野光
沓聚鴻霄羽翼遐地靈與文物今古擅三巴

方朔圖

調笑東方朔沈酣金馬門竊桃王母見懷肉漢皇恩月

下雙鸞返雲間八駿奔玉盤春不獻丹核代長存事往
丹青錯圖開錦繡屯素湍搖弱水玄圃折崑崙種樹非
潘縣迷花似楚村千年一結實萬古自蟠根海日紅猶
爛天風裊更繁神仙皆羽翼洲島異乾坤無路乘黃鶴
何由蹋赤鯤市朝棲大隱那識歲星魂

友竹

買園惟種竹身與竹爲儔一徑白雲裏千竿清吹幽江
亭朝對兩水榭早迎秋翠袖天寒倚朱絃日暮愁風因
故人至月爲此君留逸駕今誰並前身是子猷人多嫌
寂寞吾獨慕清脩苦節長如此虛心不外求琴樽忘老
病几席共網繆歲晚根逾固霜繁花益稠山空鷓鴣怨
海闊鳳凰憂高志寧須待深棲且自謀何因孤興發吹
笛上君樓

渡涇渭 秦集

北回亂涇渭東眺極澄瀛落日兩盪潏遙天雙帶縈波
流互明滅岸折屢崩驚一作洲渚隔樹一作望回合分
濤揚濁清堰渠饒上壤形勢迴西京漕挽通秦甸津梁
跨漢城湮沈九州會雄壯八川名空挹入河志復含浮
海情風沙滿世路雲浪渺江程鵲去星源遠鯨翻霧島
輕片帆儻可借萬里自茲行

何大復詩集卷二十一

信陽何景明仲默撰

七言律詩六十四首

舟次漢陽

以下使集

使客舟從漢口來武昌城對漢陽開千年洲在空流水
百尺樓高鎖舊臺太白未輕崔顥句老瞞元妬禰生才
山川不盡豪華盡落日煙江思轉哀

武昌聞邊報

傳聞虜騎近長安北伐朝廷已遣官路繞居庸烽火暗
城高山海戍樓寒一時邊將當關少六月王師出塞難
先帝恩深能養士請纓誰爲繫樓蘭

大復集卷二十一

長安驛

暮雨蕭蕭雲黯然數家山下起炊煙窗聞早鴈秋多思
門對寒流夜不眠遠使正持三楚節舊游曾扣九江船
驛程南去無窮路來往風塵閱歲年

雲溪驛

雲溪驛裏經過處六七年間兩度行風土不殊初到日
雨牆難認舊題名異方見月思鄉縣遠客逢秋念友生
明日巴陵江上酒弟兄相對不勝情

岳陽

楚水瀟湘池萬里游使車重喜過巴丘千家樹色浮山郭
七月濤聲入郡樓寺裏池亭多舊主城中冠蓋半同游

明朝又下章華路江月湖煙縮別愁
岳陽城中聞笛

何處笛聲三四弄坐聽疑隔楚江濱
落梅折柳怨清夜
激羽流商哀白雲月上山樓人獨倚
風高秋院客先聞
洞庭空闊瀟湘冷縹緲餘音送鴈羣

七夕

夜久高城風露收微雲斜漢兩悠悠
閨中擣素思關塞
樓上穿針待女牛屏燭夜深秋似水池
花香淡月如鉤
桂宮高處寒多少誰念嫦娥此夜愁

寄君山

塵蹤西過巴陵地尙欠君山寺裏詩
十里無緣攜客到
六年不見使人思空巖竹映湘妃廟
舊井潮深柳毅祠
湖上老仙誰得遇
夜寒橫笛向江吹

華容弔楚宮

別館離宮紛綺羅細腰爭待楚王過
章華日晚春游盡
雲夢天寒夜獵多廢殿有基人不到
荒臺無主鳥空歌
西江煙月長如舊只有繁華逐逝波

秦人洞二首

桃川道士來相送指點仙蹤玉觀西
雲鎖洞門何處問
花開溪路幾人迷石橋自發新秋草
丹竈長封舊日泥
落日山中不勝思松陰竹色冷淒淒

聞說秦人此避秦碧桃零落舊時春
家移洞裏難知姓

水到人閒易問津
山色溪聲自今古
石牀爛戶空埃塵
洞前卽是南征路
來往年華客鬢新

月潭寺二首

玲瓏金刹白雲邊
蹋閣攀林一徑穿
龍出洞門常作雨
鶴巢松樹不知年
僧來殿上鳴鐘飯
客到山中借榻眠
怪底夜來難得寐
秋風窗下繞流泉

綠蘿陰下到蒲團
茗葉松花進晚飡
近水雲霞晴亦雨
傍巖樓閣晝常寒
旅懷寥落逢秋半
僧話淹留坐夜闌
惆悵塵蹤又南去
朝來鐘磬隔煙巒

出新添城

出城凝望一沾巾
行到窮邊見洞民
青草時多逢瘴死

大復集卷二十一

三

白茅屋爲住山貧
秋來萬里倦爲客
日落千峯愁殺人
聞道徵兵需北戰
朔方應已困胡塵

憶中舍諸寅

憶昨共陪天北極
幾回朝賀識龍顏
簾開仙掖宮雲近
地隔金河苑日閒
青瑣夜歸池上珮
朱衣曉入殿中班
只今遠使違趨奉
清夢常依霄漢間

憶諸同游

冠珮長安多貴游
別來時復見新秋
花邊騎馬春游寺
月下橫簫夜上樓
鴻鴈不傳長道字
江山應繫遠人憂
遙知賓館常懸榻
經歲誰能爲我留

安莊道中

處處人家空薜蘿幾年凋弊擾干戈山過白水峯巒峻
路入盤江瘴厲多嶺徹土風連百粵郊原人語雜諸羅
側身西望看銅柱此地曾經馬伏波

漢將祠

嵯峨高嶺入雲平嶺上入傳漢將名殊域歲時供祭祀
千秋祠廟著神明古牆不辨丹青色深夜猶聞劔戟聲
下馬獨來詢舊事殘碑無字紀南征

新興

蕭條窮巷掩荆扉立馬荒原見鳥飛城爲燒殘鄺市少
地從戰後草萊稀燐生陰雨黃昏見鬼哭秋山白日微
卻怪當年出師者豈無寸策達戎機

大復集卷二十一

四

普安

日下孤城生夕煙相逢只說敗師年寨門晝閉青山上
戍角寒吹白漠前寇至不知重嶺隘兵來能得幾家全
居人尙想黔中將統領三軍獨晏然

九日黔國後園二首

何處風煙消客愁將軍臺榭枕山丘一年又過重陽日
兩鬢空愁萬里秋水國陰多寒已至炎方霜後瘴初收
憑高欲送登臨眼更上池邊百尺樓

天空遠水明秋岸梧葉蕭森楓樹殘黃菊數從行處見
紫萸獨向醉中看浮雲樓觀滇城暮落日山川焚道寒
忽憶登高去年客慈恩湖閣共憑闌

白帝城

峽口風悲猿夜號孤舟燈火宿煙皋草深廢井人家少
水落寒山雉堞高自古金湯難恃險當時版築豈知勞
永安亦在荒城裏玉殿淒涼空野蒿

歸州

暮雲天際見高城行盡千峯峽漸平古郡山頭萬家住
客舟江上一燈明竹枝慣聽巴人曲鳥道纔通楚國程
未卜東歸何日到片帆斜月對離情

郢中

荆門南下接平疇蕭索風煙似晚秋衰草茫茫楚宮廢
荒城寂寂漢江流人亡異代空遺宅歲暮他鄉獨倚樓
最是陽春音調古至今歌罷少人酬

大復集卷二十一

五

呂公祠

以下家集

落日蕩漾古水濱邯鄲城邊逢暮春趙王臺榭草花盡
呂公祠堂松桂新馬上十年元是夢世間何處可還眞
黃金白髮俱閒事赤日紅塵愁殺人

還家口號

十年奔走違親舍此日歸來喜不禁敢向明時輕組綬
祇緣多病乞山林閒居擬著潘安賦高臥寧知謝傅心
早晚南巖桂花發開軒相望一長吟

高夔州先生示賞李秀才園中芍藥詩用韻奉

答

李家芍藥開滿堂夔州太守更清狂題詩晚坐朱闌靜
對酒春憐白日長好爲池臺畱爛熳莫教風雨怨淒涼
佳期臥病難乘興悵望殘花憶謝郎

五日

五月五日天氣鮮艾葉榴花堆眼前鄉土歲時殊不惡
閭閻風俗自堪憐鄰人角黍能相送野老蒲觴得共傳
回首十年車馬地每逢佳節淚潸然

病後

病後頻驚節序過不將風景怨蹉跎秋來門巷依楓橘
歲晚衣裳戀芰荷洛下閒居辭宦早茂陵消渴著書多
鳳凰池上三年客騷裊空鳴白玉珂

吹笛

橫笛高城弄晚颺碧空如水鴈來時關山月落腸應斷
樓閣秋生響易悲楊柳天邊渾折盡梅花江畔故開遲
武陵回首南征路一曲那堪馬上吹

沈逸士來自吳下能詩善鼓琴閒投篇什見訊
顧館于城中予以病不得造乃作此詩招致敝
莊

寂寞秋山臥病年美人勞贈白雲篇陳蕃已下迎徐榻
王子靈回訪戴船郭外樓臺堪眺望水邊花樹足畱連
廣陵失後無新譜莫惜攜琴爲我傳

邀沈清溪趙雪舟馬百愚登樓次百愚韻

村居邀客慚供給且爲青山一倚樓十里沙平遙對酒
百年地迴更逢秋城中車馬何人到水曲風煙盡日留
無奈天涯歸思切孤帆八月下長洲

馬百愚同沈清溪見訪次韻二首

門接漁樵只數家柳條藤蔓轉相遮不妨佳句頻題竹
況有清樽共對花開閣定攀棲舊榻入溪還擬著浮槎
誰言人世相逢易浩蕩江湖未有涯

共憐野外多風景乘興閒過碧水涯草閣連朝閒雅詠
楓江萬里得佳期馬卿作賦無勅敵沈約爲文有妙思
莫向尊前話離別雲山秋色易生悲

十一月五日雨中邀沈清溪趙雪舟

大復集卷二十一

七

仲冬風雨似秋來無客蓬門晝自開幽抱向人那得盡
窮愁泥我若爲裁不禁遠岸梅花照更見孤城柳色催
三徑已拌畱二仲相過此地莫遲回

雨晴

竹裏柴門冬日輝水邊煙霧晚霏微背霜石壁丹楓盛
待雪沙田青麥稀自愛羣鳧將子去卻疑雙鶴見人飛
西郊風物晴還好誰共看雲興不違

冬至

至日哦詩野水濱乍晴天氣最宜人檐前白日不覺晚
山下寒梅俱放春遠客盤飧還偶共故園風俗自須親
病來又見陽回節鳴玉何由拜紫宸

立春

今年臘月逢春日喜見東風隔歲吹沙上柳條已堪把
城邊梅花亦不遲離離山郡開雲雪冉冉鄉園易歲時
欲與鄰翁試新酒相邀酌酹莫深辭
燕子次杜工部韻
燕子飛時江柳春眼看節序幾回新亦知社日歸鄉國
忍對秋風別主人舒卷不殊羣物理往來寧有百年身
空簾寂寞山堂夕惆悵花枝淚滿巾

秋興八首

高樓一上思堪哀水盡山空鴈獨回萬里關河迷北望
無邊風雨入秋來故人尺素年年隔薄暮清砧處處催
徒有寒樽對花發病懷愁絕共誰開
憶在京華近侍年五更清珮入朝天鳳凰池接夔龍會
閶闔樓開日月懸南國自通滄海貢胡塵不動玉門煙
只今病臥遙回首夜夜清光北斗邊

大復集卷二十一

八

前歲今皇新御極鳳衛恩詔出明廷孤棹奉使日南國
萬里題詩天畔亭地入金沙江浩浩風連銅柱海冥冥
昆明亦在滇城裏池上虛疑織女星

蜀中形勝千年在峽樹江花照使袍神女廟深虛暮雨
漢王臺迴落秋濤漁人東望滄浪闊客子西來灩澦高
不見嘓猿繫舟處風波遙夕夢魂勞

漢水東馳入楚來長沙秋望洞庭開江清樓閣中流見

日落帆檣萬里回去國尚思王粲賦逢時空惜賈生才
湘南兩度曾游地惆悵煙花暮轉哀

秋來門巷少經過日日幽懷對薜蘿一笑流光拋客路

十年歸夢落漁簑沙邊反照寒初斂水上浮雲晚故多

苦憶梁園辭賦客黃河秋望渺煙波

時獻吉在汴州

裊裊西風歇眾芳天高谿谷迴煙霜孤城落鴈衝寒水

萬樹鳴蟬帶夕陽塵滿一區揚子宅蓬生三徑蔣公堂

相過未有裘羊輩醉裏狂歌亦自長

千年申國有提封楚塞重關渺未窮舊事祇看東逝水

高臺不斷北來鴻連山落木蕭條後隔坐殘花悵望中

正是平居多感慨底須辭賦答秋風

大復集卷二十一

九

閒望之買馬促裝以詩畱之

聞君買馬衝宵發正爲慈顏在遠京已喜尺書前日至

不妨旌節隔年行故鄉歲暮難爲別長路天寒益繫情

擬辦盤飧畱暫住况逢風雪阻嚴程

同焦太史游青峯禪寺

裊裊丹梯百丈懸上方宮在白雲間川原暮過淮西雨

樓閣晴開楚上山厭逐風塵爲客久喜將樽酒對僧閒

同游更有情親在並轡山中日往還

十二月

待月東林月未圓水邊樓閣半輪偏誰家玉笛休空怨

此夜清樽益可憐卽向乾坤生羽翰更看江海淨風煙

停杯席上遙相問，卻愧當年李謫仙。
東山先生詩集
人日懷孟望之

人日登高聊引興，萬峯寂寞對申臺。
鶯花出郭還難見，雨雪逢春尚未開。
沙畔柳條悲暮角，城邊柏葉照寒杯。
關河悵望東歸使，渺渺孤槎幾日回。

贈袁將軍惟武

雄劍光寒射早秋，南征曾共伏波謀。
萬營貔虎胸中算，八陣龍蛇掌上籌。
誰識淮陰堪拜將，獨知定遠合封侯。
漢家武略多名帥，功在雲臺百世留。

寄贈劉東山先生次林都憲韻

一疏歸來臥舊山，幾回天上識容顏。
城邊黃石留侯去，海內蒼生謝傅閒。
日月夢隨天闕仗，煙波家在洞庭灣。
南瞻江漢無多路，不得乘槎一往還。

寄懷端虛堂

草堂風物迥無倫，夔府詩成更有神。
攜酒幾時容入社，卜居今日願爲鄰。
謝安亦有東山妓，文學元多北海賓。
珍重城邊花竹樹，年年不厭訪君頻。

酬高新甫

連篇落落見才華，未報瓊瑤祇自誇。
靈運詩成應夢草，江淹筆在更生花。
行吟出郭愁仍破，病起逢春思益嘉。
不惜清詞三百首，品題常到野人家。

代孫太守自題沱西別業次劉東山先生韻兼

酬東山

黃鸝未比謝家莊
綠野還連晉國堂
亭榭寥寥看市遠
江湖渺渺接天長
慚過高士蓬三徑
喜望佳人水一方
安石他年如未起
賦歸應許共徜徉

寄張別駕

苦憶朗陵張別駕
尺書今忽到林丘
江東亦起秋風興
溪上難忘雪夜舟
山郭有花空悵望
水亭無客自淹留
汀蘭岸柳俱相待
莫負清樽此日游

九日不見菊次劉朝信韻

一秋風物已淒涼
九日無花只斷腸
徒抱清樽留客醉
不教繁朵向人黃
鳴絃急管休相聒
舞蝶游蜂莫自狂
獨坐孤城正愁寂
更堪落木下斜陽

大復集卷二十一

十一

夜坐

暮雨寒雲黯復開
山齋獨坐思難裁
水生門外沙鷗至
月落燈前江鴈來
四海交游總霄漢
十年蹤迹但塵埃
長安不見空回首
歲晚愁登萬里臺

九月二十六日同賈廣文劉舉人任貢士高夔

府先生宅內賞菊四首

陶令門前花盡開
郭西騎馬看花來
疏枝淡蕊寒仍發
細雨斜風晚更催
擬向夜深還秉燭
可憐秋盡始傳杯
相逢一笑真非易
共把繁枝醉不回
秋來搖落倍堪嗟
喜見孤芳殿物華
深院護籬元密密

小堂穿徑故斜斜，清詞屢動詩人座。白酒還逢處士家，
老逐少來無住日。莫教空負滿頭花，
淺白輕黃千萬枝。幽香今日始相期，雨中籬落人稀到。
水畔亭臺蝶不知，折向秋風堪寄遠。種因晚節故開遲，
去年此會今皆健。來歲花時可對誰，
野店山家開已殘。寒來移近曲闌干，亭亭似與霜華鬪。
冉冉偏隨月影繁，千里沉逢佳客賞。幾人能得故園看，
清樽歲暮東籬下。采采金花不滿盤。

大復集卷二十一

十三



